

Pagpangitag Pagpabuhi

ADLAW 4 — PAGBANSAY SA PAGPABUHI

"Kamo wala managpakabaton tungod kay kamo wala man mangamuyo. Kamo nagapangayog mga butang apan dili managpakadawat niini tungod kay dinautan man ang inyong pagpangamuyo, aron lamang gastohon kini sa pagtagbaw sa inyong mga pangibog" (Santiago 4:2, 3).

Ihulagway ang mga Posibilidad

Hunahunaa nga may tawo nga nagahatag og usa ka pagpabuhi nga wali sa imong iglesia. Sa kataposang hangyo, ang magwawali nagadapit sa mga namati sa pagdawat kang Jesus ug sa pagsunod Kaniya kanunay. Tingali walay midawat. Tingali gamay ra. Tingali daghan. Tungod gibuhat sa Dios ang mga tawo nga may libre nga pagpili, dili nato maangkon alang sa giunsa sa uban pagresponde sa usa ka pagdapit. Sa gihapon, sa dihang daghan ang modawat sa mensahe sa Dios ug magbansay niini—bisan tungod sa wali publiko, personal nga mga pagtuon sa Biblia, wali pinaagi sa panaghigala, o tinumbok sa langit nga mga sorpresa—nan ang atong pagsaksi maoy matin-aw nga kalamposan. Kini nga matang sa pagkaepektibo maoy usa ka gasa sa Balaang Espiritu. Kita nakakita—natingala—ug nagtan-aw sa Dios nga nagbuhat og mga milagro.

Apan sagad kaayo ang atong mga Cristohanong kinabuhi menos pa kay sa epektibo. Kini wala nagkahulogan nga ang atong mga programa sa iglesia ug mga plano sa pagpangkab-ot kakawangan. Ang Ginoo siguro nga nagpanalangin—ingon ka poseble sa—atong sinsiro sa mga tawhanong paningkamot. Apan unsa ka mas daku sa atong kasinatian kon kita nagdawat sa bug-os nga pagbobo sa Balaang Espiritu? Ang Dios lamang ang nahibalo sa mga posibilidad! Ang magwawali nga Henry T. Blackbay nagasulat, "Siya mas motapos pa sulod sa unom ka bulan pinaagi sa usa ka katawhang nga nagtugyan Kaniya kay nato sa atong kaugalingon kusog ug kaalam sulod sa 60 ka tuig. (Blackaby, *Experiencing God*, p. 108, revised edition).

Ang pag-ampo alang sa pagpabuhi maoy mahinungdanon, apan dili kita makahunong diha. Ako nagadapit kanimo sa paghimog mga kinahanglanong lakang sa pagsinati sa tininuod og personal nga pagpabuhi. Uban sa panalangin sa Dios, ang imong kinabuhi pwede mahimong mas gamhanan ug mas makatagbaw kay sa una. Ang imong puloy-anan ug iglesia usab makasinati og bag-ong kinabuhi.

Unsay kulang?

Una, pipila nga mga pangutana: Unsa ang sentro sa tanan natong mga problema? Kini ba espiritohanon? Ang pagkakulang ba sa Balaang Espiritu nagabuy-od sa gamut sa atong dagaang nga Cristohanong kasinatian? Kon ang tubag oo, nan *nganong* nagkulang kita sa Balaang Espiritu sa atong mga kinabuhi?

Ang tubag sa Biblia: "Kamo wala managpakabaton tungod kay kamo wala man mangamuyo. Kamo nagapangayog mga butang apan dili managpakadawat niini tungod kay dinautan man ang inyong pagpangamuyo, aron lamang gastohon kini sa pagtagbaw sa inyong mga pangibog" (Santiago 4:2,3). Sigon sa atong nakat-onan diha sa pagbasa sa Adlaw 1, ang Dios nagadapit kanato sa mapinadayonon nga *pagpangayo* alang sa Balaang Espiritu diha sa atong mga kinabuhi. "Ngano man nga dili kita gutomon ug uhawon alang sa gasa sa Espiritu, tungod kay kini mao ang pamaagi diin kita makadawat og gahum? Ngano man dili kita maghisgot niini, mangalyupo niini, magwali mahitungod niini?" (*Testimonies for the Church*, vol. 8, p. 22).

Si Santiago usab nagasugyot nga kita wala nagpakadawat sa dihang kita "wala nangayo." Siguro siya nagapasabot nga ang Dios dili makapanalangin sa dihang ang atong mga alimpatakan napatigayon diha sa "butang sa unod." Si Pablo nagasaysay, "Ang panghunahuna alang sa unod mosangpot sa kamatayon, apan ang panghunahuna alang sa Espiritu mosangpot sa kinabuhi ug kalinaw" (Roma 8:5, 6).

Unsa diay ang “unodnon nga alimpatakan” nga ginasulti ni Pablo? Sa tinuod, ang Pulong sa Dios nagahulagway og tulo ka mga pundok sa katawhan ug ang ilang relasyon ngadto Kaniya. Diha sa matag pundok may mga nagkalainlain nga kahimtang depende sa pagbansay sa ginikanan, sinunod nga kinaiya, pagpugong sa kaugalingon, edad, kultura, edukasyon, ug uban pa. Apan bisan pa niini nga mga kalainan, atong makaplagan og tulo lang ka punoan nga mga pundok: ang “natural” o “kalibutanon” nga tawo, ang “puno sa espiritu” nga tawo, ug ang “unodnon” nga tawo o tawo sa “unod.”

Kining tulo ka mga pundok maoy gihulagway diha sa 1 Corinto 2:14-16 ug 3:1-4. Sa karon atong hilwason lang ang natural nga tawo sa daklit; siya nagapuyo diha sa kalibutan ug wala pay relasyon sa Dios. Ang mga membro sa iglesia nahisakop sa laing duha ka mga pundok, ug sa daklit nga pagsiplat sa matag hulagway motabang sa pagpadayag diin ang problema natago pag-ayo. Ang pangutana mao, asa ko nga pundok nahisakop? Ang usa ka mubo nga pagsusi kinahanglan makatabang sa pagsusi sa kaugalingon—pagtipig sa alimpatakan nga kita gusto motutok sa atong mga kaugalingong kinabuhi, dili sa mga kinabuhi sa uban! Unsa kang matanga sa pagkatawo?

Natural: Walay relasyon sa Dios. Siya “wala magdawat sa mga butang sa Espiritu sa Dios, kay kini kinabuang alang kaniya” (1 Corinto 2:14).

Espiritohanon: May usa ka puno, tiunay nga relasyo sa Dios. Sa dihang kita mga espiritohanon, “kita may hunahuna [Espiritu] ni Cristo” (1 Corinto 2:16).

Unodnon: May usa ka pakaaron-ingnon o nabahin nga relasyon sa Dios. “Apan ako, mga igsoon, dili makahimo sa pagsulti kaninyo ingon sa paagi sa pagsulti ko ngadto sa mga tawo nga espiritohanon, kondili sa mga tawong kalibutanon, sa mga masusu pa diha kang Cristo” (1 Corinto 3:1).

Tiabotay karong Adlaw 5: Unsa ang kalahian tali sa usa ka espiritohanon ug usa ka unodnon nga Cristiano?

Pag-ampo sa Pulong sa Dios

Ang Balaang Espiritu Nagagiya sa Atong Panghunahuna

“Ang mga tawo nga nagakinabuhi sumala sa ilang tawhanon nga kinaiya walay lain nga gihuna-huna kondili ang kagustohan sa ilang tawhanon nga kinaiya, apan ang mga tawo nga nagakinabuhi sumala sa pagtultol sa Espiritu Santo walay lain nga gihuna-huna kondili ang nahimut-an sa Espiritu Santo” (Roma 8:5, ESV).

Amahan, nahibalo kami nga kon dili gani kami nailalum sa impluwensya sa among unod kami nailalum sa Balaang Espiritu. Himoa intawon kaming mga espiritohanong Cristiano ug ipahigayon ang among alimpatakan sa mga butang sa Espiritu.

Dili na kami anaa sa kalooy sa among mga kaibog.

“Ang akong buot ipasabot, sunda ninyo ang Espiritu Santo aron dili ninyo mabuhat ang daotan nga tinguha sa inyong tawhanon nga kinaiya” (Galatia 5:16).

Ginoo, salamat nga ang Balaang Espiritu nagabuntog sa gahum sa sala sa among kinabuhi. Palihog patuboa ang bunga sa Espiritu sa among mga kasingkasing. Nagpasalamat kamo alang niining kahibulongan nga saad.

Ang Espiritu nagaluwas kanato gikan sa kalaglagan.

“Karon, ang mga anaa kang Cristo Jesus dili na silotan sa Dios. Kay human kita mahiusa kang Cristo Jesus gigamhan na kita sa Espiritu Santo nga nagahatag ug kinabuhi. Busa luwas na kita gikan sa sala ug kamatayon nga nagagahom kanato” (Roma 8:1, 2).

Amahan, daw unsa nga panalangin nga nailhan nga kaulipnan sa sala nabuntog sa dihang kami magpuyo diha sa Balaang Espiritu. Salamat nga si Cristo maoy nagkuha sa among salaod ibabaw sa Iyang kaugalingon ug nagpahigawas kanamo gikan sa sala ug kamatayon.

Dugang nga mga Sugyot sa Pag-ampo

Mga Pasalamat ug Pagdayeg: Paghatag og mga pasalamat alang sa mga tino nga panalangin ug dayga ang Dios tungod sa Iyang kaayo.

Kompisal: Paggahin og pipila ka mga minutos alang sa pribado nga kompisal ug pasalamat ang Dios tungod sa Iyang pagpasaylo.

Giya: Hangyoo ang Dios sa paghatag og kaalam alang sa mga hagit karon ug mga desisyon.

Atong Iglesia: Hangyoo ang Dios sa pagpanalangin sa mga paningkamot sa atong iglesia sa lokal, rehiyon, ug sa tibuok kalibutan.

Mga Lokal nga Hangyo: Iampo ang mga kinahanglanon karon sa mga sakop sa iglesia, panimalay, ug mga silingan.

Pamati ug Responde: Paggahin og panahon sa pagpamati alang sa tingog sa Dios ug responde diha sa pagdayeg og awit.

Mga Sugyot nga Awit

SDA Hymnal: Lord, I Want to Be a Christian (#319); Power in the Blood (#294); Showers of Blessing (#195); Leaning on the Everlasting Arms (#469). *Other Songs:* I Have Decided to Follow Jesus; Shine, Jesus, Shine.